

乙二

麗體金膏

乙二

魏氏金書

國朝麗體金膏卷二

拜颺集

恩詔謝表

鄭王臣

代謝

賜篆書盛京賦表

蔣士銓

代江西士子謝加科牒文

蔣士銓

進江西省祝嘏詩文

蔣士銓

恩賜通鑑輯覽生擒林爽文莊大田紀事語二十功

臣像贊墨刻謝摺

孔憲培

恩賜四得論四得續論墨刻謝摺

穆和蘭

恩賞臨宋臣李廸鷄鶩待飼圖

御製詩謝摺

孔憲培

恩賞修德修刑論墨刻謝摺

阿桂等

御製四次巡漸詩恭跋

蔣士銓

頒賜文二集謝摺

孫士毅

爲莊撫軍賀平伊里表

袁枚

爲尹太保賀伊里盪平表

袁枚

爲黃太保賀平大金川表

袁枚

掃平噶喇衣奏摺

阿桂等

平定兩金川賀摺

和碩顯親王等

代賀金川平定疏

蔣士銓

代賀受哈薩克回部內款表

蔣士銓

臺灣全郡蕩平賀摺

大學士等

臺灣首逆就獲合詞叩賀摺

孫士毅等

巴納布進表納貢復奏

王大臣等

御賜墨雲室記李廷珪古墨歌墨刻謝

恩摺

穆和蘭

恩詔謝表

莆田鄭王臣慎人

竊唯發龍祥於姜水炎皇六佐同升流虹采於
姚墟虞室八師濟美任姒光周道興賢著三物
之條曹高贊宋猷舉士重十科之選惟柔儀配
地自膺五福而享期願而壽考作人爰闢四門
而求俊乂

慈宮慶溢藝苑歡騰欽惟

皇太后天與淳粹氣鍾元和燕入玉筐啣母地母天之
字馬依金屺叶履中履順之占正坤儀而道盛

西陵彤管播徽音顯懿宣陰教而化行南國瑤
函注景福綿長恭惟

皇帝陛下

仁孝挺生

文明啟運星流昴宿恒思石紐之劬勞電繞斗樞每
念軒邛之鞠育萬安宮裡親捧瑤觴長樂階前
常依玉輦極九重之尊養永頌岡陵合萬國之
歡心徧敷雨露年逢辛未正屆

壽母週甲之期歲在壬申特遵

聖祖開科之制沛湛恩於寓內忻聞珊網宏開式至孝
於斗中已見金車疊出期當春半先歌鳴鹿之
詩節值秋中高掛遷鶯之榜甲乙科均由異數
春秋闈疊見昌期乘暖浪而上龍門爭忻燒尾
際秋風而題雁塔共慶摘髭動墨錦橫識是天
孫之錦袖毫花吐知爲王母之花鳳麟與龍虎
齊收奚似彩鸞青雀芝朮共參苓並採無殊火
棗蟠桃嵩呼者三喜濱海三千擊水祝如維九
忻天衢九萬搏風

恩綸曠古爲昭文治於斯極盛某等閩荒下土莆海

鯁生濫列賢書未遂林藻穿揚之願幸充貢籍
常深郊詵擢桂之思志切觀光曾遊槐市情殷
論秀喜入芹宮爨下焦桐遘賁音而欲奏泥中
古劍遇望氣而思騰忽聞宅俊新恩知鵬程之
不遠快睹招賢鉅典實鳬藻之曷勝唯

皇太后以高行獲高年茂萱枝於百千萬億而

聖天子以孝思成孝治開蒞榜於東西朔南榮光起
五嶽圖中。高映壺公之嶠。仙醴傳三神島上。遠

沾龍女之洲九鯉湖邊齊進長生之頌雙龍闕
下遙瞻獻壽之儀伏祈轉詳俯允代奏海陲歡
欣之忱悃獲陳

堯母門前草茅鼓舞之情形盡入

軒皇鏡裏

拜颺集

代謝賜篆書盛京賦表

蔣士銓

日月臣恭接到

聖慈頒賜清漢篆文盛京賦各幾本

臣

惟地靈啓于

豐鎬式廓留都國風紀自幽部聿昭鴻業炳著
大文之煥成書首重于唐虞推原受命之由作
頌不忘乎景毫欽惟我

皇上聖教誕敷皇謨丕顯萬國仰觀文之化羣言會
殊俗之歸天縱

聖以多能藻思睿發

帝以臣同喜起寵錫紛披赤文綠字之奇儼授圖于
天老玉檢金泥之秘驚攜篆于龍威曩者賦天
作于高山揚

昭代陪京之盛肆懿德于時夏美

聖朝開國之隆志山川物產之雄奇發祥由始記風
俗人情之美厚

天命維新作述之聖在

一人寶守相傳于萬世六體八法妙合元功轉注諧
聲悉存古意配以國書篆籀玉筋雙懸佐之漢

體龜魚琅函媲美在天成象旣日麗而星輝因
物賦形復鸞翔而鵠峙緘同合璧不徒留禹碣
于岫嶠珍若聯珠豈止垂周書于石鼓干以頒
諸秘殿等膺圖籍如持蒲穀躬桓試將鏤以金
泥作鎮封疆不啻嵩衡華岱臣備員轉運叨賜
恩榮覩禾垂九穗之文欲切豐年景瑞仰龍起千秋
之地心馳遼海雲帆所有感激微忱理合具摺

恭謝

天恩伏祈睿鑒

臣

無任拜舞欣榮之至

一拜鵬集

代江西士子謝加科牒文

蔣士銓

切惟華胥誕聖于蒼精六佐贊同民之治握哀
表祥于巨跡六官占觀國之光兆叶星槎任五
鳩而利用圖呈河首命四岳以賓興慶篤姜嫄
田祖兆樹人之迹眷承東翟湯孫衍交泰之恆
瑞啟樞精符徵文盛靈鍾石鈕象應雲從蓋神
道知事地之方故人倫識尊親之大寢門薦祉
欣逢壽考作人長信開顏益見王多吉士祝九
如于

聖母棘園陳天保之歌進多士于

熙朝壽宇式嘉賓之燕尊之至也。養之至也。本博厚
高明而悠久。自古皆然。元首起哉。股肱喜哉。大
協和於變以時。雍於斯爲盛。欽惟

皇太后尊開積慶德合無疆。徽號極域中之尊。光施四
表。至仁爲天下之母。範率六宮。資身由坤順以
成。十三年內治柔雍。贊治著包媧之淑誕。

聖協慈寧而吉。千萬國太和翔洽。含章仰文母之慈。
固已鳳閣含飴。錫嘏載賡。多祐璇宮。問政樂育。